

佛說大乘方等要慧經

後漢安息三藏經世高譯

推五

佛說大乘方等要慧經

推

聞如是一時佛遊於舍衛國介時弥勒菩薩
 叉手白佛言世尊我欲小有所問若世尊聽
 敢有所問佛言若有所疑便問吾當為汝解
 說使意歡喜弥勒問言云何菩薩摩訶薩不
 退轉法於大乘有進而不耗減行菩薩道降
 伏魔怨如其狀貌悉還教知諸法相之根不
 厭於生死自有正慧不從他受疾成無上一
 切智地世尊讚曰善哉善哉所問隨順甚善
 大佳吾當為汝解說菩薩所得之行踰於所
 問諦聽善思念之於是弥勒受教一心靜聽
 佛告弥勒菩薩有八法具足疾速得無上一
 切智地何謂為八一者內性清淨二者所行
 成就三者所施成就四者所願成就五者慈
 成就六者悲成就七者善權成就八者智慧
 成就是為八事菩薩疾速得無上一切智地
 弥勒菩薩及眾會皆歡喜